



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De scholasticæ Theologiæ Vanitate, qua superioris
ætatis homines, doctrinam & religionem suam
tueba[n]tur, Liber, in locos communes digestus. Omnibus
ueræ ac solidæ pietatis studiosis in primis ...**

Sarcerius, Erasmus

Francoforti, 1541

VD16 S 1775

De Peccato originali.

urn:nbn:de:hbz:466:1-29838

DE PECCATO IN GEN: 27

Mater Christi fuit omnino sine peccato.

Christus si uoluisset, peccare potuisset.

Aliquis potest sufficienter impelli à dæmone in actum peccati, non autem in peccatum.

Peccatum non est in cogitationibus, nec cogitationes sunt peccata.

Homo grauius peccat post legem Moyli datam, quàm ante.

Homo grauius peccat in noua lege, quàm in ueteri.

Clericus in sacris plus peccat in eodẽ genere peccati, quàm religiosus non in sacris.

Peccatum quodlibet dicitur remitti, quo ad duo, scilicet, quo ad culpam, & quo ad reatum: Et secunda remissio potest esse sine prima.

Peccatorum remissio primò attribuitur fidei, secundò charitati, tertio pœnitentiæ.

Per charitatem consequimur peccatorum ueniam.

DE PECCATO originali.

Fomes peccati non remoratur ab ingressu cœli, animam à corpore exeuntem.

Peccatum originis non est uitium hærens in natura.

Peccatum originale est tantummodo fomes

DOCTRINA SCHOLAST.

& qualitas corporis, qua corpus, non animus infectus est, cuiq̄ ex nobis medela adhiberi potest.

Peccatum originale non est res digna morte, & æterna damnatione.

Natura bona est. Item: Peccatum nõ nisi uoluntarium est, ergo non est originale peccatum hærens in natura, sed tamen externa dicta & facta peccata sunt.

Concupiscentia non est peccatum, sed tantũ poena peccati originalis.

Rectè quidem sentiunt, qui credunt fomitem *αὐτοφροσύνη* esse.

Originale peccatum non impedit homines, quo minus possint seruare omnia Dei ex se.

Peccatum originale est tantum reatus, qui in baptismo tollitur.

Peccatum originale est actus concupiscendi, non primum uitium ab Adam contractum.

Peccatum originale non est pura priuatio, sed tantum habitus corruptus, cuius uires sunt, per seuerè cognoscere Deum, illi fidere &c.

Peccati originalis poena est concupiscentia, non mors, non tyrannis diaboli, non damnatio &c.

Pro peccato originali, Christus tantum satisfecit.

Falsum est, naturam esse naturaliter & inuincibili

tibi

tabiliter malam & uitiatam.

Natura & rectum dictamen habet, & uoluntatem bonam.

Maria concepta est sine peccato originali.

Fomes non est actuale peccatum, nec est actualis priuatio eius rei, quæ adesse debet, nec est uiua & quotidie mouens peccatum.

Falsa docent, qui sic docent, quod omnis affectus concupiscentiæ malæ sit peccatum mortale. Nec hoc est uerum, omne peccatum esse mortale secundum naturam.

Malè diffiniunt peccatum originale, qui diffiniunt esse actualem quandam prauam cupiditatem.

Originale peccatū non semper manet in nobis, sed tollitur omnino in baptismo.

Sine metu Dei esse, sine fide esse &c. est culpa actualis; ergo sine metu Dei esse, sine fide esse &c. est culpa originalis.

Nemo æterna morte damnatur propter peccatum originis:

Fomes est qualitas corporis.

Quæstio scholastica est, utrum qualitas illa contagione pomi, an ex afflatu serpentis contracta sit, utrum augeatur medicamentis.

Natura quidem perfecta & bona est, igitur negandum est, hominem non posse seruare precepta Dei.

Peccatum originis non continet sub se hæc

D

DOCTRINA SCHOLAST.

peccata, ignorantia Dei, contemptum Dei, uacare metu Dei & fiducia, odisse iudicium Dei &c. quia sunt de actuali culpa.

Peccatum originis non manet post baptismum.

Concupiscentia poena est, non peccatum.

Propter passiones nec boni, nec mali sumus, nec laudamur, nec uituperamur.

Nihil est peccatum, nisi uoluntarium.

Natura mala non est.

Peccatum originale est imbecillitas in natura, quae fomes dicitur, & non est peccatum, haec est res sua natura digna damnatione, sed tantum poena peccati, & res media.

Dubitatio, diffidentia, & similes uitiosi impetus, non sunt peccata.

Fomes peccati per se non moratur animam exeuntem à corpore, ab ingressu regni caelestis, nisi simul accedant actualia peccata.

Peccatum originale non est priuatio pura, sed quidam habitus corruptus, licet non infusus aut acquisitus, sed per uitiorum originem innatus.

Paruuli damnati pro solo originali non actuali crimine nullam habebunt poenam sensus in corpore, aut sensu exteriori. Nec est eis poena uermis, nec interior tristitia, sed poenam damni habent carentiam uisionis, & fruitionis dei, & tenentur in loco uili.

Cor

*Supra
fi. 20*



Corpora paruulorum in peccato originali decedentium, sunt impassibilia, idque iuxta hanc distinctionem. Aliquid non pati ab actiuo proximo contingit dupliciter. Aut ex uirtute quam habet in se, aut ex ordinatione diuine iustitiae. Hoc secundo modo corpora paruulorum sunt impassibilia, non per uirtutem aliquam resistendi agenti sibi communicatam.

Quare etsi corpus paruuli uolueretur in illo infernali igne, non sentiret poenam, quia deficit materia in quam agit ille ignis, scilicet peccatum actuale, & hoc propter diuinae iustitiae ordinem. Sic nec esurient, nec sitient, nec patientur inordinatos motus, & concupiscentias fomitis manentis, quos etiam dum uixerunt, non senserunt, nec aliam patientur ab intra uel ab extra sensibiliter agente hoc ordine iustitiae Dei.

Peccatum originale extinguit baptismus, sicut & actuale peccatum.

Originalis iustitia est quidam habitus supernaturalis immediate a Deo infusus ipsi animae Adae, faciens perfectam pacem & tranquillitatem inter partem sensualitatis & rationem, & uoluntatem, & partem intellectualem, & istud donum quo ad aliquid extat mobilius habitu charitatis, quia faciebat perfectam pacem, inter partem superiorem & inferiorem. Tamen simpliciter donum charitatis est nobilius, cum

DOCTRINA SCHOLAST.

per ipsum anima reddatur chara & amica deo quod non faciebat iustitia originalis.

Fomes dicitur diminui in baptismo, non quantum ad eius essentiam, sed quantum ad effectum, quem consuevit causare in anima, scilicet peccatum, & quantum ad illum minuitur per gratiam, quia cum gratia augetur, fomes minorem habet efficaciam inclinandi ad peccatum, puta uictus a fortiore inclinatione gratiae ad meritum &c.

Primi motus peccatorum, etsi particulariter & sigillatim possint declinari, omnes tamen nullo modo possunt caueri.

Primi motus non sunt peccata, quando autem dicuntur peccata, non est intelligendum de primis motibus, sed de secundo primis. Est enim duplex motus, naturalis & sensualitatis. Motus uero secundo primi sunt peccata, quia sunt actus inordinati in genere moris.

Si ratio consentit cum deliberatione, quae fit per rationes diuinas, hoc modo, quia omne lege Dei prohibitum est uitandum, tunc dicitur peccatum in superiore parte rationis, sed si deliberatio fit per rationes humanas, hoc modo omne, in quo transcenditur, medium uirtutis est uitandum, tunc dicitur peccatum esse in inferiori parte rationis.

Fomes in beata Virgine in conceptione & post conceptionem totaliter sublatu fuit.

Peccatum

DE PECCATO ORIGIN. 30

Peccatum originale est habitus corruptus, non pura priuatio.

Peccatū originale respectu personę est pœna tantū, sed respectu Adę habet rationem culpę.

Peccatum originale est uoluntarium per uoluntatem Adę tantum.

Peccatum fuit in Adam, ut in causa principali, in semine uerò instrumentaliter, sed in anima subiectiuè, in carne autem ut pœna, non ut culpa.

Peccatum originale præcipuè est in membris genitalibus, quantum ad originem, sed consumitur in operationibus animalibus, quo ad rationem culpę.

Corpora habentium tantum peccatum originale, post resurrectionē erunt passibilia, sed non patientur, quia non erit agens naturale.

Peccatum originale quo ad culpam est à patre, quo ad pœnalitates est à matre.

Peccatum originale nimiū est grauitate reatus pœnę, & est tantū communitate maximū.

Christus principalissimè uenit tantum, ad tollendum peccatum originale.

Peccatum originale est minus uoluntarium quàm alia peccata.

Peccatū originale respectu naturę est grauius ueniali, sed respectu personę non est grauius.

Si Eua peccasset, & non Adam, filij eorū non habuissent defectus sequentes, scilicet passibilitatem & mortalitatem.

DE